

宛舫居文集

卷九

卷



04538

宛舫居文集卷九目次

蒲陽林源學川甫著

偶吟

五言古體

二首

五言律

計五十四首

五言絕句

計二十七首

宛舫居文集

卷之九

目錄

五言排律


一首

七言律

計一百零九首

七言絕句

計七十二首



宛舫居文集

詩五言古體

燕地苦寒余以怕火而不近炕每夜以手摩
足久而乃溫戲為手足相慰勞語

辛丑

手慰足之詞天生我與爾同氣親兄弟痛癢原相
倚爾効奔走勤我亦磨如砥勞生本無殊胡乃分
彼此我幸近腹心爾因歲寒否一氣炎涼今問心
亦自恥至人不成眠尤宜承意旨元首需股肱和
氣方喜起為爾相撫摩爾安我亦羨來朝主人興
宛舫居文集

卷之九

詩

一

看爾拖珠履

足勞手之詞爾胡為我戀爾我雖同生微亦分貴
賤奔走我所司爾乃操筆硯珠玉在揮毫靈腕人
稱羨力能挈綱維操持酬萬變遭遇得其時捧章
登宮殿我今祇隨行禮義兢兢踐難與氣候爭冬
宵常欲戰何人肯相憐爾乃摩忘倦始知親兄弟
歲寒情乃見



宛舫居文集

五言律詩

旅邸不寐

庚辰

殘月斜古樹銀缸半
暗明難催曉曙色只數遠鐘聲
不覺鄉心動無端客感生
吾親在萬里恐亦此時情

同吳澹齋趙恒麓兄陟思天壇晚眺

庚辰三月

竟日清談客新知與舊知
花迷香在逕柳暗影移池
皓月壇前塔歸禽殿外枝
餘霞收不盡一任晚宛舫居文集

卷之九

詩

二

颺吹

舅牟麓公命和楊德山先生四咏元韻

辛巳

我愛漁家樂輕舟任所棲
得鮮時換酒作鱸勝烹雞
不羨太公渭偏游嚴子溪
蘆花明月下浮白醉如泥

我愛樵家樂山深徃復旋
千業供採擇萬綠任擔肩
渴向泉邊飲倦依石上眠
為思觀奕者柯爛已多年

我愛田家樂勞勞亦自怡
吹幽嬉有歲鼓腹慶清

時但願秋成早莫教春酒遲老農謂婦子聊以介
吾眉

我愛牧童樂朝朝夕喧犢鳴隔水寺笛響遠山
村曉起星初落歸來日已昏歌吟過澤畔不識有
王孫

和舅氏郊遊韻

招携西出郭景與趣俱真覓徑藤留客尋僧鳥避
人泉聲疑押韻岫色欲相親不覺歸來晚代燈月
正新

宛舫居文集

卷之九

詩

三

和詠夾竹苑

名花兼兩美異種信堪誇之子懷清節此君擅麗
華紅沾蔣徑露綠映武陵霞淇澳周南咏由來屬
一家

和暮春舟遊

兩過一天爽隨行問欲游鳥聲知近夏峯色入新
流酒載詩人舫情移釣叟洲溯洄殊不厭歸意可

能留

暇家沙邑
欲言旋

和秋興

每愛清秋景山空竹有陰天連雲影杳棹入蘆花
深重露催籬菊寒砧醒野禽漁舟歌唱發乘月泛
江心

其二

天籟時時發涼風拂碧紗蛩聲鳴竹露鴈隊下蘆
花山淨遲寒日波澄倒晚霞籬頭聞有信相約醉
陶家

霞坡歸舟

昨宵親筆硯唱和並如流榻對山留宿花招客戀
宛舫居文集

卷之九

詩

四

遊香醪知罄甕緩水問回舟此夜應成夢歌聲尚
滿樓

家蘭川園中梅月

光透花無隱瓊姿浥露時橫斜能度陌疎密半臨
池香韻晴增妙素粧夜更宜同浮林下白醉裏月
催詩

曉梅

昨宵香入夢蚤起即登樓露潤葢珠濕旭生嫩玉
浮孤山禽未醒羅袖霑初收白日穿花塢幽人學

應酬

姚一菴齋頭早梅

獨此衝寒展依稀百葢聞梢高停落月痕瘦着餘
雲清友初相訪素心莫便令一陽今鼓動杯醕謝
東君

乘風赴長淮

天亦憐歸思迴風送客舟山光疑俱動雲影若同
流方問上窰塢已過下蔡洲今朝解纜處回首望
悠悠

宛舫居文集

卷之九

詩

五

泊荆山

翠微方在望鼓棹快無前雲鎖卞和洞波通禹會
田禹會村在塗山下
與荆山只隔一水夏碑千古在秦璽兩朝傳憑弔遷
流蹟臨風一慨然

長淮夜泛

浩蕩長淮水輕風漾碧波帆迴銀漢動棹轉翠微
過泛月頻催酒扣舷復倚歌豪懷難自禁不計夜
如何

馬過湖阻風

馬過湖名對
峯即盱眙縣

盱眙咫尺地，倏爾作無涯。
波湧湖疑海，風狂浪捲沙。
白雲隨黯淡，青嶂變幽遐。
馬過舟難渡，望天眼欲花。

周二村招同人梅峯啜荔

千樹紅初掛，躋登選佛場。
堆盤霞入座，餐液玉盈觴。
不擇陳家種，幸同周子香。
松陰軟飽後，炎暑變清涼。

秋葉和韻

縱目堪瞻遠，無嫌萬木叢。
遙遙吹爽籟，片片下秋空。
宛勛居文集

卷之九

詩

六

空莫問穠桃李，時隨落鴈鴻。
祇留丹桂樹，長在月宮中。

遊梅峯賦得晨鐘雲外濕

鼓歇峰樓曉，鐘鳴梅雨秋。
洪音山靄隱，餘韻水烟收。
偏耐炎場聽，漸醒金屋眸。
相忘方旭旦，遠意自悠悠。

遊東坡賦得秋色老梧桐

林園秋最好，爽氣滿晴空。
應候推黃菊，先知是碧桐。
方豎琴瑟質，暫謝柏松叢。
寄語諸年少，無輕笑。

此翁

奉檄赴長新店道中大風沙戊戌三月

不走長安道空聞眼有籠沙飛滿面兩塵捲一天
風意氣雲霄上奔馳車馬中那堪知已過滾滾混

人家

是日下第親友過
風塵中不能辨識

長新店即事

最是喧囂地偏為閒暇時暫寬令尹政借讀中郎
詩翼日千夫長時檄調押夫
赴陵上今宵一局棋新知與舊

友相對話忘疲

宛舫居文集

卷之九

詩

七

其二

久鮮清談樂緣為衝邑官偶然天放假恰好客盤
桓各有新聞見疇無喫苦酸問余何景况大約不
相瞞

旅邸慶祝

萬壽

咫尺瞻

宮闕雲霞五色聯同聲千萬國共祝億斯年

孝治光

前聖仁風洽普天微臣依

日下願獻九如篇

夏日憶家園

小小幾間屋盈盈半畝塘紅蕖依釣艇翠竹傍琴
牀意氣二三子艷香十八娘主人稱曠達何事戀
他鄉

憶家

壬寅

一室堪容膝偏於拙性宜攤經思世德種竹愛新
枝樓小山光擁檻低花影窺夜來頻入夢歸計莫
宛舫居文集

卷之九

詩

八

教遲

夢侍 先君看小僮栽蓮

先子愛蓮興至今尚不移新泥肥碧藕嫩葉倚青
瓷色笑猶平日安排悅曩時早知身是夢欲覺且
遲遲

過姑蘇晤同年魏又韓

吏貪誠不可蘆亦蹈危機仁既兼明著名宜與利
違對余談道樂知爾宦情微曠達能如此何妨且

拂衣

至平湖訪家鳳溪

孝友端推爾，廉能不讓人。境無蕪穢，舊戶有絃歌。
新游刃通舟，港蒔花拂案。塵同趨丹陛，近小試
輶娛親。

過大竿嶺

嶺道何多峻，小竿復大竿。青霄躋可上，紅日讓先
看。境地分閩越，行人續暑寒。由來名利客，未見憚
艱難。

初入蘭臺乙巳

宛舫居文集

卷之九

詩

九

紫宸遊最吏

是次考選
行取部員

恩獎荷龍光，柱下新簪筆。臺端聚繡裳。

寶箴懸日月，清秩肅風霜。歷覽前賢傳，吾宗有念

堂

侍直

御苑金扉啓，趨班肅六曹。秋深山愈爽，風勁隼彌

高。鷓鴣列方相，望豸冠敢自豪。親聆

天笈語，初日上旌旄。

蕪掌諫垣丁未三月

兩署皆清望

恩光稠疊來宣綸趨左掖肅政坐西臺門下惠文

入殿中給事迴殊榮從未有報稱愧非材

通州道中

猶是輪蹄地忽為雲水鄉泥深憐馬力轍澁怯羊腸未計前程遠先愁紆路長人間多履坦還欲問穹蒼

宿棗林莊

三河縣西五里

深夜雨聲驟推窓遂及床方愁衣潦倒却幸電輝

宛舫居文集

卷之九

詩

十

光天地回心速風雷轉眼藏僕夫相告語東望露朝陽

瓜舟

豐潤人販瓜於玉田以巨網裝之沈於還御河之中流人坐其上順流而下淺處則畧旋竹篙謂之瓜舟

別有東陵種相將巨網收輕圓浮一葉宛轉

泛中流獨得隨波樂偏無失棹憂非因

王事至那見此仙舟

病間喜友人贈彘茗

戊辰四月

客從雲頂至袖出碧雲英色帶千峯秀香分九曲清一杯驅病去兩腋覺風生不遇傾心侶新泉莫

漫烹

病起 四月念一日

連朝醒若夢欹枕任流涎麗日深相負衰顏却自
憐雨知花起色風想燕安眠大造公生意寧容二
豎牽

巡視西城 六月

拜

命登彤陛巡方接 紫薇 巡視方城直御苑 騎驄思漢

拈持斧奉

宛舫居文集 卷之九

詩

十一

天威令肅豺狼遠風清魍魎稀冰心遵怙訓鐵面
報

恩輝

遷岡鄉 巳酉正月

終晉銀臺秩旋躋岡寺鄉

恩逾五嶽重職比太常清按籍稽生息問心切屏

營周官稱大正夙夜愧虛聲

范陽署中夜飲 庚戌七月

昨聽官聲好啣杯快此遊喜風猶似夏愛月

最宜秋寺近宵鐘
徹城低擊柝稠承歡皆

主德自忖作何酬

行素吟

辛亥

平生無願外老至又何求
集古翻殘帙看山上小樓
風來憐竹笈月到玩花羞
或憶郊遊樂扶筇上扁舟

做花月連珠二首

醉月吟花趣種花愛月家
月窺花吐艷花仰月生
華婀娜花留月低徊
月戀花月花兩不厭
花月興宛舫居文集

卷之九

詩

十二

何涯

冰月花無色有花月不孤
花香為月魄月影是花圖
月倩花留客花邀月對壺
年年花月夜花月醉吾徒

冬至海棠盛開

癸丑

一陽方朕兆嫩葉綴妍葩
殆是梅花聘來親處士
家先春含曉露半醉艷流霞
偏反寒園裏神仙未足誇

冬暖

不特無霜雪陽和且日增寒花偏有蝶午飯忽來
蠅頓覺絲綿重翻嫌爐炭蒸夜如秋氣候坐待月
華升

夜坐

甲寅八月

客散眠猶未天空靄盡收秋聲新入樹月色慣升
樓獨自挑燈詠誰同秉燭遊來朝須踐約鼓棹向

蘭洲

時甥婿方華士督收木蘭工竣訂往一遊

花睡

和姚榕園廣文韻巳未三月

眠柳遲開眼羣芳欲卧時稽生頽琬琰妃子歛胭

宛舫居文集

卷之九

詩

十三

脂艷極神俱醉嬌多態若癡春宵金谷裏勿令玉
人知

花笑

和榕園韻

晴光開綠野草樹盡生春競展輕盈態微舒巧倩
唇嫣然如欲語莞爾自傳神莫怪相看者遲留曲
水濱

獨坐

庚申六月

心曠居無隘身閒境盡清適情遲聲韻隨興自書
聲樹隔塵囂遠草留生意盈鳴鳩為甚事呼雨又

呼晴

題宛舫居

可是姑蘇舫撐來倚綠叢
簾鳴新竹雨窓納素蘭
風載酒無須棹看山不捲蓬
更當明月夜何異大江中

五言絕句

宿峽口

壬寅冬
南旋

客夜眠難熟五更夢到家
輿夫不解事催促上仙

霞

宛舫居文集

卷之九

詩

十四

仙霞嶺

亭懸嶺上嶺帝是仙中仙
欲識行藏數求籤恐
襲天

憫過山輿夫

步步層層汗一家數口餐
披裘輿上客猶說過山
寒

觀采相

潔白洵如雪枝頭採取新
須看成大炬照徹萬家
春

舟中望晴

雨已隨風歇雲猶繞岫浮願留清夜下無阻我行

舟

其二

灘中石

滑潤殊堪玩中流作險灘何如移善地晨夕好相

看

其二

嶺上松

久在高峯上承沾雨露多當為巨室用豈任白雲

過

宛舫居文集

卷之九

詩

十五

憫清流舟子

衝寒不自憐露體忘其醜日在危灘間幹旋真妙

手

建溪冬暖

大小寒將至和風日悅人天知歸棹冷先放建溪

春

其二

其二

霜落燕齊樹雪肥閩越林朔南氣候異非有兩天

心

其二

亭建安得帶魚

猶是銀為帶北歸覺一新離鄉真足貴海錯勝山珍

其二

風味故鄉好如餐為帶魚西施倚瑤柱對酒更何如

黯淡灘

江浪傳三峽河流說禹門眼看閩水險黯淡欲銷

魂

宛舫居文集

卷之九

詩

十六

至水口

輕歷歷灘行盡心隨碧水平皇華綠未斷漫道一身

劍浦舟中觀山路行人

甲辰春
北上

雨過山猶滑風微靄未收遙知道上客指顧羨輕

舟

即景

舟自懸崖過岩花摘入瓶溪山深碧裏到處即吾

亭

偶成

以下俱壬子以後作

無事自澆花有時親洗竹人生貴適情況此元非俗

晚眺

高飛倦鳥還樵牧歸相續遊興未應闌古人曾秉

燭

鳳子

鳳子聯飛至低徊只戀花人言花似錦錦上又增

華

宛舫居文集

卷之九

詩

十七

石罅秋海棠

傍石花添媚依花石不頑兩相映帶處妙在淡濃

間

樓上蘭

愛賞從岩谷咸推王者香莫疑高位置品格孰相

方

竹間玉繡毬

誰言竹少花千朵天孫繡白璧青琅玕相親非避

近

滌慮拂塵牀披函觀且讀情移不自知但覺愜幽

花鳥

花花色入眸鳥鳥聲盈耳聲色得天真何人知此
美

雨後窺園

新旭消殘雨麗妍滿眼攢莫將花片掃留作錦蒲

團

宛舫居文集

卷之九

詩

十八

示兒孫

靜裡心無動忙時意自閒思通萬事物不出位中
間

又

至誠能動物作偽枉機深言行惟忠敬須存參倚

心

五言排律

海物之奇

辛亥

海物多奇異遐方信者稀蚌含蚌子活

一種似蛤蜊中
含小蠟蠟存財

兩活鱗失

魚逐燕羣飛

飛魚低飛水面常與海燕為羣

老蘚連枝樹

海石上有樹高

一二尺色

如鐵無葉而多枝羅紋相連是古蘚所化

浮漚怪石磯

海邊有石玲瓏可玩久年水泡所化

蜈蚣

稱脆美

色微綠無毒

蚯蚓號甘肥

俗名土串嗜之者多

蛇拙蝦為目

蛇一

名水母亦水泡所化無日常浮水

螺虛蛞作衣

蛞一名寄生螺壳虛者小蠅入其中

後半化

螺尾 化生誠不測誰與解幽微

宛舫居文集

卷之九

詩

十九

七言律詩

餞陳石民旋里

石民名元麟漳州人由益都令以刑部主事用未任歸品甚高潔已卯今年友

也

霽月光風一縉紳老萊實行動

楓宸

石民初引見詩吏部曰此福建陳孝子也

上語簿書萬卷塵無染詞賦千

篇筆有神自率性真常自得相期道義倍相

親秋官志在尋雲洞我亦遐思擬卜鄰

雲洞漳之

名勝同年李思亭別業在焉

和戚友餞舅氏西沙元韻

戊寅臘月

宛舫居文集

卷之九

詩

二十

想望沙村十四年蘭洲乍仰德星天時携竹葉隨

杖履恰有梅花綴几筵念念慈顏腸斷絕依依

舅範意纏綿如何臘雪催歸思擬唱渭陽步不前

羅署即景

壬午春

柳外嬌鶯報曉晴四山爽氣入眸青琅玕弄影臨

書案醞醕浮香滿兕觥日照琴堂桃李色風飄花

縣管絃聲遶閒不見塵氛擾醉卧西牕夢亦清

由金陵北上阻風燕子磯

癸未

燕子磯頭浪捲烟濟川無策夜難眠雲馳西

北看龍奮江隈東南阻鷓前
親側遠離三月侍

君門迥望九重天維揚一水能飛渡計日長驅到日邊

遊虎丘

金闔門外湧瀛洲萬古遊人不斷遊石坐盈
千聽妙偈泉烹第一試新流林巒翠擁梵王
殿星斗光騰

御筆樓名勝不嫌登眺數幾回欲去復遲留

宛舫居文集

卷之九

詩

三十一

釣臺夜雨

富春山下雨瀟瀟輾轉扁舟度一宵鬢鬣何心迷
客權波濤有意聞江潮圖形求隱風流逸垂釣披
裘心事遙瞻仰幽貞咫尺隔應徒夢寐想丰標

雪毬

甲申春和呂
植仙韻

百朶含英一朶開六花無數萃瑤臺何須滿望紅
如錦却愛三分白過梅雙戲狡狴休錯認羣飛蛺
蝶漫相猜懸虛偶被輕風動疑是天孫擲下來

七姊妹花

俗名布田花和
思南三兄韻

布穀聲聲譜入詩妍花連朵復連枝大喬小妹無
相妬濃抹淡粧互出奇秀色堪餐書讀罷幽香可
挹酒酣時竹林高士如欣賞報與芳閨兄弟知

海棠

睡起新粧映水湄不須香國始稱奇

蜀昌州海棠獨有香號曰海棠香國

着些曉露嬌將語惹動春風態莫持子美無詩猶
有憾太真帶酒益堪怡仙姿應得良緣聘却恨梅
花已過時

寧海橋

提督悅能吳公捐貲重建

宛舫居文集

卷之九

詩

三

巨梁往蹟沒荒烟嘆息滄桑歷歲年浪險浮槎勞
擊楫堤平驅石不須鞭從容舉步過溟渤恍惚飛
空入洞天好事由來萌一念幾人剛斷捨金錢

草亭成適良友至

草亭聊擬超然臺夜雨朝風洗宿埃鳥語遙催三
盃至花香時送一尊來相歡拈韻邀明月不厭啣
盃聽忽雷我為惜春多繾綣良宵倍覺素襟開

遊金山寺

己丑四月

天塹大江闊混茫中流四顧渺無方好追青雀搖

蘭葉擬倩金鰲架石梁瓊島晴雲浮塔影梵宮法
日漾波光當年留玉今何在名與山門作鎮長

高夫子崇祀名宦

夫子韓曰聰號曰作謙山東膠州人督學閩中清操第一 庚寅三月

由來道統在山東無忝名區又有公廿載春留桃
李樹百年尸祝藻芹宮超前軼後儒林論立懦廉
頑夫子風藉謂及門阿所好文清繼起問誰同

齋居

癸巳春

齋居竊靜思幽渺俗慮塵緣都不擾一陣花香滿
院春數聲鳥語衆山曉案頭書卷闌玄關天際烟
宛舫居文集 卷之九 詩 三

續舊句

十五年時侍我 翁窓鷄喚起讀書童心胸瑩淨
臨青案氣象澄清仰碧空花影參差三徑月樹聲
遠近五更風流光易邁人將老回憶斯情在夢中
慶署自笑吟四首 戊戌

自笑浮情欲與除不知為櫟與為樗琴彈按譜絃
猶澁花種求芳草未鋤洗爵時留生客話開函每
媿故人書何時得學朱公術栽竹成叢又養魚

自笑山情水興佳却將佳勝撇天涯民風自昔茅
乘屋官舍至今土作階五斗米無腰亦折千村水
涸悶難排有時憶到盈虛際無計補天倩女媧
自笑平生喜率真而今乃學着精神出言思得還
思失下筆畏天又畏人憲色未明傳吏稟鷄聲方
唱憶民貧所堪清夜問心者案牘由來不染塵

自笑曾嗤彼素餐于今却自撫凋殘一夫無失談
何易百廢俱興作者難顧我齋心凝冰雪冰去聲幾人

宦海靜波瀾民生未見瘡痍起淡泊雖甘愧伐檀

宛舫居文集

卷之九

詩

二十四

水燈

步唐荆川先生
韻 戊戌臘月

不信冰姿賽衆妍于今方睹映朱闌全憑天造輝
清夜畧藉人工現廣寒照乘堪為珠匹敵連城直
與璧同看水晶殿裏多竒玩暫借斯間宴會歡

其二

九枝巧製任爭妍獨此清輝映夜闌玉盞薄凝波
裏月銀缸照破雪中寒靜觀頓悟虛空理鑒賞休
同小技看報道東君未有信冰壺掩映急追歡

自笑和冰心四咏

戊戌有水燈之咏矣已亥臘月兒童輩又出新
意為大小各式之燈因而為盤為盆為屏為畫

蘇合 題詩其巧愈奇北人詫為異見列之几案不殊寶玩經月乃消幕友方雋年作冰心吟四首索余和之因次其韻

冰燈

六出花飛歷麗妍伊誰披覽學神仙堂懸皓月疑
無夜座滿明晶別有天玉燭好隨銀燭燦大珠還
愛小珠聯休嫌北地風霜冷一段清光起紫烟

冰盤

誰將寶玩托和盤精瑩迎人不見寒承露奇觀光
玉闕走珠巧製冠鷄壇五辛擬貯春來供三白先
盛臘至看奚童撲雪為水 挑雪薦成于盤造化偶然成妙用肉臺尤覺

宛舫居文集

卷之九

詩

三五

笑闌珊

冰盆

洪鈞造就及冰霜忽得玻璃列一堂點筆題詩彌
見瑩裝花堆石倍生光銀缸掩映微波起寒月流
輝素影長寄語南人休詫異珍奇萃在聖人鄉邑為 孕聖

名邦

冰屏

莫羨堂橫翠羽明空中結撰悟虛盈渾然一片霜

花合那解三更玉液

傾 冰屏窠難成先製架糊紙候夜半寒極抹水絨面隨手成冰乃去其絲題詩作畫夜

來列燭屏後精光射人大有巧思

墨瀋流雲臨几案毫光浮練映樞

楹春宵當路多排列到處同遊不夜城

元日雪

壬寅

終週寶曆又初年

康熙六十一年為後壬寅

慶溢京華尺五天祈

穀乃迎三白早飛花已肇四時先山浮玉霰春初

媚座映朱簾客亦妍此際麥疇應普徧樹觴滿酌

倍歡然

恭和

御製賜老臣宴詩

五月

宛舫居文集

卷之九

詩

三

雪霽韶光倍麗妍喧傳

天語設華筵仙班恭慶蓬萊會

御極初週寶歷年

賜坐頒恩春浩蕩稱觴祝

聖祚綿延于今曠典垂千古不羨高山並比肩

和姚敬亭咏紙花

祇道來從上苑東何知人巧奪天工堂懸圖畫看

虛實筆染丹青辨異同朶朶疑沾雨露潤枝枝可

是氣機通無香有色猶堪賞况得芝蘭入座中

西山霽雪

曉起山光分外浮，遠觀勝似到山遊。
仙人夜把鉅銀疊，風伯朝將靄霧收。
恍是我眉連鳳闕，還疑闔闔現瓊樓。
披圖何用丹青染，一幅描空願虎頭。

會館元夜和敬亭韻

天門繚繞五雲開，春到人間景色回。
旅邸同斟榆社酒，客懷不想玉蓮杯。
張燈有燄遙聯月，飛雪餘花暫作梅。
時月下尚
有微雪此夜誰將詩紀事，清新座上有仙才。

宛舫居文集

卷之九

詩

三七

和翁榴菴咏芍藥

三月

姚魏先登九尺堂，還推草澤有天香。
曾隨鄭國遊郎戲，亦醉揚州閣老觴。
按譜品題堪卜相，探叢次第共從王。
試看上苑新葩發，曉露濃沾冠衆芳。

和榴菴咏翠蝶花

墨鬚粉翅厭雷同，獨自為羣苑圃中。
宿宿竹間迷夜月，飛飛苔徑混朝風。
翎分孔雀光相映，黛借青螺色欲融。
可是前身翡翠化，尋花神醉倚花叢。

暢春園待

現

三月念
四日

千條嫩柳曉蒼蒼搖曳春風繞苑墻岫色雲
收呈爽氣波紋日出漾晴光思趨

鳳闕端容止敬從鸞班待對揚六載冰兢際
明聖酬恩只有雪肝腸

慶民聞余將旋來請至舟迎者塞道賦此以誌
輿情之厚

不憚膏車上谷行難違士庶共殷情連宵引領雙

臺月

遠村之民間余
將至守侯三日

列炬傳呼百雉城至時更深士民
秉炬如白日父老

宛舫居文集

卷之九

詩

二十六

來前爭問訊稚童何事亦歡聲書生得此難消受
慚愧六年豈弟名

留智道中遇貢麒麟

曠代誇傳鳳與麟人間欲覩總無因忽驚驛道紅
光滿爭看越裳方物新漢國繪圖疑未肖帝朝遊
藪孰傳神生當盛世休祥集會見鳴岐鳥亦親

渡揚子江

草草維揚未快遊急搖輕舫出瓜州微波不浪江
豚伏密荻成陰野鴨留金島飽看呈海市鐵城遙

望隱山樓

鎮江府城號鐵甕城

中流朗誦杜陵句滿腹乾坤日

夜浮

遊虎邱

小小山坡跨水隈入門幽徑便紆迴劍池仰視橋
垂綆梵塔懸臨閣倚梅石上久無金虎踞林間時
有玉人來留連更愛停舟處竹肆花棚一望間

遊滄浪亭

在蘇州胥門內

胥門佳勝未經遊亭入滄浪曲曲幽叢竹斜穿紋
石出清池倒影白雲流衡山妙筆于今在子美才

宛舫居文集

卷之九

詩

二十九

名自昔留景物都非城市有雙橋祇欠一輕舟

滄浪

亭三字明
文衡山書

十一月十日為長姊六十壽辰余在龍游舟

中遙祝

佳節欣當晝漸長遙知紫氣滿東陽

姊家為東陽世族

映階

重見斑衣舞舉案雙稱碧玉觴樂善老來彌不倦

得天福至自難量比歸愛弟猶千里默祝文姬壽

且康

喜風

桐廬解纜宿雲開，片刺揚帆過釣臺。岼外峰如驅
道出江邊樹，似急趨來為看俄。傾圖千幅不覺臨，
風酒數杯寄語親。知相晤近擬先臘，至共尋梅
雲尖換舟。

清溪淺水露沉沙，撇却江船易小槎。捲被坐看雲
裏樹，隔蓬呼取霧中茶。舟小只容二三人，茶食之具皆在隔舟。長安不似日

邊近壺嶠還居海角，遐行李一肩。須檢點來朝裝
東上仙霞。

恭砌平山封瑩告成

癸卯臘月二十七日
是日兼行焚黃之典

宛舫居文集

卷之九

詩

三十

幸紹雙親積善餘，青烏理氣想非虛。十年卜
得眠牛兆，萬里歸宣飛鳳書。磐石宛成蒼玉
帶，方池宜養紫金魚。何時復荷

恩綸錫翁仲分行列，此廬

平山即景

清幽偏在野人家，勝似城中只闢奢。翠愛山容勻
竹葉，香知春色到梅花。有時遠笛和天籟，向晚歸
樵踏嶺霞。擬結草廬依此岼，護松還學種岩茶。

建溪行

甲寅三月應
詔北上

聖主當陽宇宙新，徵書遠賁到微臣。
親朋疑曲詩幾首，棧送江干酒數巡。
兩岸山容殊舊臘，一溪水色亦回春。
此行不為營升斗，願獻愚丹達

紫宸

又

心事安知果不違，眼前情景際春暉。
岩花送客臨風笑，溪鳥窺魚傍水飛。
欲上急流須努力，欣看怪石莫忘機。
由來此路稱奇險，未見行舟稍

宛舫居文集

卷之九

詩

三

又

終登黯淡水，縈洄收纜從容鼓棹開。
山色舟中方午夢，灘聲枕畔又春雷。
為欣有景催詩就，不厭無穀呼酒來。
却憶離家逾半月，幾時策馬到燕臺

又

五上京華出浦城，茲來乃問武夷程。
終過劍水心

先往未到王峰境，已清

大王峯乃一曲初入之勝

圖畫雲烟千萬

幅，棹歌吟唱兩三聲。
名賢勝賞今能至，不負紆途

此一行

又遊高立秋書懷

憶昔歸舟任意吟生疎未敢問知音斯時覽眺情
無限竟日敲推思不禁遠樹乍看青嶂合上溪遙
指白雲深何人賞識風塵外流水高山理素琴

又

峰巒八百里嵯峨劈畫清溪放艇過翁受細流浴
烏兔朝宗大海敵江河欲平千古波濤險須借五
丁斧鑿柯直到金衢方坦坦舟車一路聽笙歌

十遊武彞

宛舫居文集

卷之九

詩

三三

十年前擬武彞遊今日移船上竹舟九曲澗溪流
歲月千巖松栢老春秋峰頭玉女開粧鏡洞裏金
鷄報曉籌遙想妻孥祈祝處那知仙侶正相留

值余
生辰

其二

崦巖突兀欲凌空地以人傳自晦翁道學永光文
治世歌聲猶繞武彞宮三三曲水洞天裏六六高
峰烟靄中莫等尋常名勝賞斯山一脉接龜蒙

和敬亭立秋書懷

桐陰漸欲現晴空鷹隼高騫在眼中策蹇忘追天
馬隊繫匏遙憶徑花叢綠消酷暑饒新雨一洗煩
襟得好風莫道朔南殊節候清秋佳興却從同

前題和迴韻

遠遊喜得素心同佳咏君追大雅風鵬翻秋來看
近漢馬蹄暑退好穿業有懷逸致如天外不盡遙
情在箇中我讀少陵多未解策名深媿廁司空

咏茉莉花

南越年年貢異芳相傳此種出東洋素馨恍惚同

宛舫居文集

卷之九

詩

三三

施粉甘菊依稀未染黃曉露飽濡瓊蕊潤夕陽綠
放玉容光沉香若得栽亭畔浴罷猶憐襯晚粧

大寒前一日

寒深猶說未為寒詰旦堅冰別樣看刺繡已添絳
月線護花將整探春闌圍爐貴介尊常滿守凍窮
簷雪不殘獨羨皤皤黃髮老朔風吹面豈辭難

和廖愧荆除夜

羲和不輟兩輪車三百六旬乃一除鄉語滿堂疑
室邇爆聲盈耳覺鐘疎春明景色奢相待旅邸清

談樂自如此夜祭詩還洗硯來朝開筆試新書

人日同敬亭愧荆遊護國寺復至太液池步

月而歸乙巳

占年此日喜晴暉結伴尋芳近紫微梵宇看來成

海市羊裘解下作花衣是日寺中大集賣花者解袈護花以禦寒風風融太液

魚思躍雲傷靈臺鳳欲飛積翠橋頭遊未倦嫦娥

亦愛照人歸

送鄭逸溪之興化任逸溪名黃際莆田人住仙遊為楊州興化縣令

服態十載勵鷄窠逸溪母早寡訓子成名手造鳳樓筆似杠毛

宛舫居文集 卷之九 詩

三十四

義承歡今有兩希文經世豈無雙范文正嘗宰興化蟠龍照

處羣陰伏蟠龍寶鏡鑄于楊子江心繞指揮時百魅降繞指柔寶劍出興化湖中

自昔大儒懷抱遠種花何必羨潘江

王田督賑十一月

歲澇深厓

聖主憂貢漕次第

命停留春田澤國冬冰泮膏下玉田潄水流時連日和風冰

渙積水頓消春麥可種邑人相慶更生安輯頓忘艱食日謳歌盡說

再生秋更省率作鳩工處自古誰如

睿慮周

三月望日雪

丙寅

荏苒沂雩嘯詠時終朝集霏下瓊絲和風已令狐
裘解冷靄還將鶴氅披飛到柳陰渾是絮着於梨
朶恍同枝一尊擬就姚黃醉乃向梁園又賦詩

贈僧華林

僧本河南諸生出家於玉田之窩洛寺余稽河嘗寓此

說偈談空釋子師儒心道氣契清規翻竹國千
函貝興寄盤山七絕詩

僧有盤山紀詠七絕

窩洛白雲隨去住

還鄉碧水任流澌

詩在還鄉之泚

我來不為叅禪至聆罷

宛舫居文集

卷之九

詩

三五

禪機意亦微

風

扶搖鵬鷲向霄翺還起天池彩鳳毛臺畔綽看庶
草偃日邊旋指五雲高平沙路轉紋成浪大樹枝
多響似濤想見由來君子德四方從欲共陶陶

雲

出岫無心上太清時舒時卷任虛盈飛騰每與風
相會流動常和水共行捧日麗天呈五色從龍得
雨濟羣生更看向晚增輝處灼灼丹霞照赤城

賦得柳暗花明又一村

和龔蓀蘆道長韻 丁未

信步穿林石徑通
山莊景物不雷同
陰陰罩處疑雲綠
片片飛時覺雨紅
撲蝶池邊嬉化日
聽鶯檻外醉薰風
輞川莫羨王維畫
一幅丹青萬目中

前題迴韻

不謂乾坤浩蕩中
行行又別有春風
烟籠老樹疎還密
日照新葩白
閒紅牧犢遙從桃
洞出留賓應與武陵同
兒童更引尋芳去
取次蓬瀛亦可通

玉樹吟

臘月同部員查河林木無非玉樹蓋寒氣凝結而成者有引

宛舫居文集

卷之九

詩

三十六

寒露氤氳非烟非霧陰精凝合疑雪疑霜如鷺羽初生魚尾着樹如克毫未染條爾盈叢放鶴人歸疑滿山之盡吐騎驢客至喜到處之堪尋旭日映而增輝輕風吹而揚素一望瑤臺瑤島豈但玉田滿眼瓊瑤盈瓊葩聊吟玉樹

宿靄凝寒着樹光
曉來疑是昨宵霜
傷山掩映浮瑤島
近水迷離渡雪航
梨苑報春花爛熳
柳堤迎旭絮飛揚
冰心自許堪相對
不負漁陽走一場

其二

何來策馬過羅浮
踈密橫斜醒我眸
皎潔最宜培閣苑
晶光還愛映瓊樓
英竒康樂堪為比
瀟灑宗之孰與儔
攬轡長堤欣賞久
玉花飛點玉花頭

玉花

名馳馬

其三

誰施粉地寫瓊枝不設丹青乃見奇種自瑤池仙
子得巧惟銀漢天孫知霏霏玉屑微風動點點珠
胎皓月窺猶憶當年清署裏名亭曾記一歌詞

慶署作草亭成適有此景因以玉樹名亭兼作歌以紀之

其四

曉望千叢恍似雲高低遠近白紛紛伊誰造設渾
無迹莫是雕鏤故有紋鶴舞堤邊時顧影鷺迴樹
宛舫居文集卷之九

詩

三七

題廖姨丈百齡遺照

憶昔登堂捧壽觥側聆進課卜成名幸同通籍趨
金闕每見瞻雲想玉京萬里孝思能不置百齡
色笑亦如生蓬壺若序耆英會嚴考酬歡讓一

庚公與

先君連襟公以庚午生先君庚辰生

丁未除夜朝姪告開春歸

旅邸難遲小阮車清宵置酒話前途遙京國而
能至耽樂天倫我獨踈先代德功期勿墜諸郎學

業問何如春風萬里歸航順到處平安寧一書
梓里爭推賈董才羣英領袖譽如雷萬言日映龍
文動五嶺雲隨馬首開自有恩膏敷蔀屋應看宸
績上金臺誰云小割難舒驥卓傳原役僻邑來

留菊

戊申十月

莫道寒園景色稀黃花猶自映晴暉堅貞不逐霜
風落清艷寧隨雪霰飛香在籬間還戀戀客來徑
畔倍依依壽英願待官梅發同拜年華緩步歸

宛舫居文集

卷之九

詩

三六

除夜

用甲辰
除夜韻

驄馬豸冠鷺羽車新承

恩命詔三除天厨方愧代庖淺京兆尤慚視學踈
一點赤丹常自許終年報稱問何如銀臺淨

掃塵埃迹詰旦春陽映奏書

是歲七月
陞學政堂十一月內陞

政左通

正月十六日大雨雪

巳酉

卧聽風聲闌一宵朝來滿眼白飄飄花成六出雕
難似玉積千山筆莫描轂轍蕭疎開道路驂騑宛

轉惜瓊瑤今宵嚼
附觀燈客且慢行
歌醉渡橋

春日寄懷

忽憶家園勝趣多
千紅萬綠滿條柯
時邀紫燕來陪客
靜聽黃鸝自放歌
合志琴棋相晤對
賞心陶杜任吟哦
尤憐皎月豐溪夜
款乃輕風漾碧波

其二

京華六載少登臨
憶到却居思不禁
春色惹濃山水興
花香催動醉吟心
新荷次第圓浮沼
稚竹參差聳出林
何日木蘭携好友
未遊名勝再搜尋

宛舫居文集

卷之九

詩

三九

同寺蜀葵盛開和湯凝齋先生韻

紫白青紅夾道栽
一層高出一層開
官曹不為看花至
興趣還因數馬來
泥露舒英先徃菊
朝陽展艷映遶槐
當年五尺闌干咏
稗史猶傳外使才

蜀葵

紫白紅色到處皆有蜀葵
同寺有青色者甚奇

其二

衛足應知自愛身
同儕相賞樂頻頻
還如錦繡還如畫
或似珊瑚或似銀
却引蜜蜂來粉署
休教舞馬踏花茵
東城昨夜甘霖過
更喜新葩絕點塵

閏七夕

圓明侍直暮歸時恰是重逢七夕期天上雙星應
再會人間萬里倍相思金針更得一番巧喜鵲無
辭復役疲漢武當年如有閏齋宮又設錦雲帷

夜坐

清商消盡一天炎良夜何當就黑甜
熟金桃香露井新磨玉鏡出雲簾
樽罍久擱惟心醉筆墨雖踈信口
占有客高談鋒甚銳不聞譙鼓與更籤

十月十三日大雨雪

宛舫居文集

卷之九

詩

四十

昨宵遶院滿銀蟾曉起兒童說散
鹽上苑有林皆玉樹迴廊無處不
珠簾掃來千片供茶碗飛去六英
着酒帘久在客中詩興嬾年年祇
見雪吟添

聞莆中大雨雪

壺華那得六花飛莫是燕山遠寄
歸蘭水陂前驚玉絮荔支樹杪訝
珠璣梅須讓白今方見茗藉增香
昔所稀若問金門班上客年年待
漏點朝衣

京邸聞微兒構豐村別業

聞說賣田築小洲待余林下老優
游蓮邀荔子同

親水人與梅花共倚樓一望航檣通瀚海三時伯
旅滿平疇見曹不為稻梁計却動歸心釣碧流

將出都得愧荆表弟寄贈詩和韻以答

君方予告我懸車猶憶聯行上玉除花發鳳池香
爛熳柳垂驥櫪影蕭疎遙挹麗句情無匹欲和陽
春曲不如為報 金鑿需內相肯任一室樂琴書

出都門

金風新下井桐秋霄漢

恩光荷賜休歲逐雲衢驅鴛劣時慚天廐數驂騑
宛舫居文集 卷之九 詩 四十一

趁鎗已謝雙龍闕夢寐猶依五鳳樓自幸生

逢

堯舜世得從父老樂田疇

至定署

征軺曾入范陽城出自都門二百程鄭錦秋風看
學製單琴夜月聽新聲水魚涑易清堪鑒地萃輪
蹄政貴平北望五雲天咫尺由來卓魯不虛名

淮上為隆兒完婚

千載向平是我師擬完婚嫁便栖遲睢鳩河畔和

鳴處彩鳳岐陽來集時世業一經見自勉侯門四
德婦應知上林雨露承霄漢莫讓燕山第五枝

平江月夜書所聞見

此夜清光直似朝篙工相喚汎輕舸鴈橫峰頂天
幾點櫓撥江心月一條豪興語喧知鬪酒雅音風
送羨吹簫奚童倚橈鼾眠熟得有鄰舟解寂寥

越溪

富春山下碧流平一上桐廬瀨漸生帆勢時隨風
勢轉篙聲日與水聲爭沿溪不斷漁梁設急瀑能
宛舫居文集

卷之九

詩

四二

令穀碓鳴淺澁莫愁換鷓鳥清湖岸畔有人迎

鷓鳥

小舟名水淺時換
小舟至清湖鎮

仙霞嶺

天際仙霞疊嶂迴行人力盡翠微隈嵐深鳥雀聲
常隱春近林巒意欲催詩句每因穿石得騷懷却
為倚雲開嶺頭頂禮明神去辭謝魏莪問釣臺

五顯嶺

昔年曾此咏天梯今日躋登又欲題樓閣空中僧
自樂松筠烟際客常迷到來回念升高險歸去休

言放眼低好聽僕夫平脅息從茲坦道接清溪

揖仙橋

曉發漁梁霽色開揖仙橋下水滌洄茅茨霜重明
於雪石澗泉懸吼若雷幾樹蒼松猶舊識一業脩
竹是新栽家園春近知相望為說梅花待我来

觀溪曉霧

即觀前在浦城南四十里

曾言此地似蓬瀛到得蓬瀛野霧橫嶺上樓臺微
見影雲中鷄犬隱聞聲晨炊不覺溪烟混曉棹須
看海日明洞口漁郎欠仙骨扁舟莫再武陵行

宛舫居文集

卷之九

詩

聖三

建溪

紫陌曾隨駿馬馳清溪一任扁舟移灘依水碓流
殊急雲傷山樓去覺遲輞口今無摩詰畫錦江昔
有少陵詩蓬萊萬里中宵夢猶是香烟惹袖時

觀梅

冷雪嚴霜不受侵冒寒偏有客相尋芳姿最得古
今賞傲骨先回天地心何遜猶傳咏句好羅浮遙
想白雲深高踪遠愧孤山士漫說遊人也姓林

新竹

辛亥

何須較寸與量分直上森森自超羣
出綠叢堪引鳳終辭粉籜便凌雲
風迴嫩倚琅玕響月到踈
參松栢紋莫怪山林千萬種子猷
心賞獨稱君

春遊

壬子

萬象鮮新任我收世間何事勝春遊
胸襟開處花皆笑節氣和時風亦柔
樽向村園開北海杖留野老話西疇
從容歌咏叨相白雲君賜不羨尋真
阮與劉

和愧荆山莊八首

癸丑九月時
愧荆山居龍泉

宛舫居文集

卷之九

詩

四十四

大道無紛俗自紛不隨流俗獨推君
凌霄勁質松堪友立澗清姿鶴可羣
石壁丹青空際合巖泉氣味靜中分
謝公若憶蒼生望豈忍東山卧白雲
秋空矯矯兩雲鴻冀北迴翔碧海東
高曠心情元自一去留踪跡却難同
經綸每在山林裏雲壑偏藏城市中
好趁黃花開爛熳相將三徑探芳叢

仙莊留客暮春時下酒蟬螿手自持

是歲三月余至
山莊留歡竟日

君

為名山成謝墅我因老病訪秦醫
會心得有同心賞避俗豈辭流俗嗤
更愛龍吟泉響處

地名龍泉

雙雙

燕子共差池

入徑聞香勝似沉一蓮花竹自幽深肖形仙鶴新

人眼異樣靈芝悅我心

愧荆至漳時得古木尺許不假雕琢宛然鶴也又得老樹古芝面闊二尺光潤

玩丹荔成業垂曲院黃鶯迎客嘒高林知君志在

雲霄上不學柴桑五柳吟

蓬瀛果不出人間十里輕舟任往還水繞蘭洲波

漾綠岩鄰壺嶠磴成斑松聲竹色詩千首漁唱樵

歌月一灣但恐徵書早晚至承恩無暇戀家山

張翰無端憶膾鱸謫仙何事咏啼烏由來魚鳥堪

宛舫居文集

卷之九

詩

四五

為興况有林巒可自娛地脉尋龍追舊德山莊詒

燕創新圖莫言朋侶和歌少胥宇合歡興不孤

文場曾令萬人降暫別鳳池釣一江學術早知堪

濟世才猷今更裕經邦雅懷日自親花塢良友時

來話竹窻漸使居民化鄒魯書聲寧復吠村厖

青嶂連霄雲影低門前潮水接清溪時聆古寺鐘

鳴近滿望平疇稻熟齊松子隨風供作饗花茵帶

雨踏成泥山林樂事君兼矣應憶爐香袖裏携

壽愧荆蕪速其行

乙卯

聞道瀛洲別有天，仙居繚繞彩雲鮮。
金鑿久待生花筆，玉洞還留叱馭鞭。
海上岡陵時對酒，壺中日月共為年。
請君更聽嚶嚶韻，春暖喬枝正好遷。

壽蘇郡守

諱本潔號訥菴常熟人修木蘭延壽二坡並蘆蒲陡門又築東角海隄護稻田八千餘畝又新

鑿七百餘畝

前有蒙泉今有公，興安名守更誰同。
萬年樂利青山外，一望桑田碧海東。
自是甫申從嶽降，應隨稷契佐天工。
壽星高映台星現，已在蒼生頌祝中。

廖愧荆表弟六十壽

宛舫居文集

卷之九

詩

四六

絲綸疊錫八壺東，累葉榮光孰與同。

愧荆膺親又核

封典榮封於祖

鳳閣金蓮輝夜月，龍泉玉樹舞春風。
親日下

羣仙侶跡隔天涯，一釣翁遙想蓬萊。
染翰處壽星

焜耀五雲中

七言絕句

偶成

戊寅

繡閣風輕紫燕來，雙飛婉轉下池臺。
纖微物類何情識，也愛香荷並蒂開。

宿蘆溝夢遊九鯉湖

戊戌三月

朝來聞唱采和歌，萬慮消融好夢多。
仙境果從心境得，醒來明月滿蘆河。

見壁間鷓鴣取魚圖因題其上

魚鷹入水健於飛，吞噬魚兒欲自肥。
莫奈甘鮮難

宛舫居文集

卷之九

詩

四七

下咽漁翁笑載滿船歸

其二

歸船得意駕長風，不悟江湖怨已叢。
有子酣歌魚盡矣，空留怨毒與漁翁。

小吏之貪如鷓鴣大吏之貪如漁翁偶爾戲題頗堪警世

上谷道中大雪

寒風舞雪雪迴風，飛絮走珠西復東。
遍地瓊瑤無照管，為余收拾入詩筒。

郭村見積雪為山者馬上口占二首

即郭隗舊居屬滿城

郭隗家鄉在此間，雪中趨郡雪中還。
燕昭好客垂

千古一座金臺化玉山
何人一簣不辭難却賽峨眉
天際看俗界浮塵無
半點冰心映處覺忘寒

全蠹魚用郭定襄韻

開函盈卷檢之毫無所損始知北蠹異南蠹亦格一物也

北蠹不殊南蠹形無求無取負空名
何因戀了書中味却嚙清虛過一生

趙州覽古

字丑

枕燕跨魏昔稱雄
頗牧功湮榛莽中
果老驢蹄道子畫虹橋
猶覩駕晴空

宛舫居文集

卷之九

詩

四八

暑中過內邱時大雨初晴

高低更有山林意
雨後新添澗水紋
一段清人心目處
熱腸却已減三分

邯鄲祠

曾向黃梁夢裏來
還將秘鑰枕中開
仙翁盡把盧生夢
徧與文人夢一回

其二

回憶經過十六年
丙戌赴河重來亦似夢中然
風塵自笑匆匆客
小憇水亭便欲仙

邯鄲遇雨

日脚纔拖雨脚來半天雲擁半天開行人未學邯鄲步踏着輕泥滑似苔

雨中過成安

策馬來從趙國東陳餘俠烈想遺風低徊往昔紛爭事盡在瀟瀟霖霖中

七夕自嘲

五十年來守故吾世情靈妙我全無如今豈復求天巧却憶愚公亦丈夫

宛舫居文集

卷之九

詩

四九

哭厚兒

壬寅四月

兒孱時刻動吾憂悔却為官萬里遊三十一年成短夢燕山南望淚橫流

其二

檢得前書不忍看長箋只欲得親歡元來強病殫心寫想到天良鼻自酸

正月十一日兒自寫家信甚詳蓋抱病勉強欲以遠慰余心乃越六

逝日而

其三

隨余官舍只經時欲別依依不自持留得夾紗衣

尚在孝心惟有老親知見性儉朴隨任只製一紗衣甚自珍惜以余喜穿之堅留此衣于署

其四

自是焦勞氣益微如何不待老人歸可憐幼稚雙
孤子却把衰翁當父依

友人饋蜜荔支

連殼蜜浸香味雖減其色猶鮮

濃芳泥露絳紗衣聞者傾心見者稀莫道不如初
熟好色香猶足笑揚妃

夢中咏杜

杜邱無聊日吟杜詩乃有是夢

水色山光映草廬百花潭上浣花居旁人不解杜

宛舫居文集

卷之九

詩

五十一

陵意却怪吟詩少著書

南旋至臺見莊憶客歲張壻莞伯卒此觸景

愴然十月

臺莊木葉經霜殘閨口初開似急灘水自噴珠人
自淚傷心倍覺朔風寒

富春江

千重碧樹供青眼一片澄江映翠微莫笑扁舟惟
載石畫圖收得許多歸

釣臺夜泊聞簫

何處簫聲嫋嫋來清宵吹動客懷開松風按節遙
相和疑有鳴鸞近釣臺

七里壠得魚憶厚免

猶是當時七里灘得魚對酒憶承歡溪流莫自西
河下引我淚珠不忍餐

蘭溪曉望憶與姚敬亭別月餘矣口占寄懷

遙想斯時燕邸猜謂余應到越王臺願將兩地相
思意日倩飛鴻一往來

建安試茶

宛舫居文集

卷之九

詩

五十一

新泉活火試岩茶品第流香接筍芽

流香潤接筍
峯所產最佳一

洗北來塵數斛更携龍鳳伴回家

君謨茶譜以
龍鳳團為最

觀海

四瀆千川性不留一歸滄海坦然收若非度量堪
容受幾把桑田付橫流

舟泊建陽

浮橋橋上駕飛橋九曲仙蹤望不遙夜聽澗泉清
入夢一腔塵慮已全消

雨中上走馬灘

巨浪誠如突騎然滿空山雨混溪煙舟人更說天
灘近走馬上来看上天

天灘即在走馬灘之上

兩景

一幅山莊煙雨圍竹籬茅舍隱如無虎頭妙筆通
神久却尚流傳賞到吾

乘風過新連二市

皆杭州之市鎮

新市綵綵過連市連輕帆欲送彩雲邊篙工乃倚天

風力笈靠舵頭說濟顛

濟顛宋西湖異僧也

維揚覽古

宛舫居文集 卷之九 詩

五十一

百萬丁夫用力多旌旗龍鷁襍笙歌可憐竭盡脂
膏處却為後人濬運河

長樂明光厭舊宮迷樓不自解西東元來佞幸施
工巧只待雄師一炬風

一 燕邸月

皓魄行空雲漢新排窻窺案欲相親遙知宛舫承
歡處仰見清輝憶遠人

臘月十三日至玉田豐臺登天仙樓是夕雪

花大作

乙巳

百尺樓頭逼九天
登樓直欲挾飛仙
此來不羨陽
雍壁一望無邊盡玉田

丁香花

丙午

南方甲桂北丁香
宜弟宜兄却異鄉
若得上林同
雨露春光賞過又秋光

題畫

爽靄秋峰挿漢高
澗泉飛瀑似江濤
草亭不受塵
氛擾獨對溪山讀楚騷

宛舫居文集

卷之九

詩

五三

贈僧華林

曾過蘭若話蘭奢
笑對曇盂一朵花
贈白經年猶
朗誦元來開士是儒家

其二

誰道高僧愛不奢
紅紅白白滿蓮花
四時妙領天
然趣物外人間自一家

雪中行

自玉
四京

昔我來斯雪正飛
今晨返轡又飄衣
征車那得明
如許為有瓊瑤照乘歸

道出陽田見玉山林巒萬態異人間恨無道子嘉
陵筆畫把從前畫譜刪

天寒其三

誰鋪玉屑滿平疇容與輕車駕紫騮此景此情何
所似蓬壺地上泛仙舟

擬遊盤山阻雪不果

盤山為薊州名勝離官道不遠

聞道盤山境是仙飛泉怪石儘堪憐雪花錯會山
靈意不引遊人入洞天

宛舫居文集

卷之九

詩

五十四

過別山

三載雪中過幾回今晨雪後嶺雲開山容有意迎
相別我亦別山不再來

立春日早朝口占

臘月念五日

紅日將升現彩霞春風先已到
天家朝回滿望皆生意報與上林花柳芽

江郎山

俗傳江淹夢筆處故名而廣輿記云有江氏兄弟三人登山化為石其說尤幻庚戌十二月

鴻濛初闢鎮炎方變化陰晴妙顯藏一自文星來
夢筆山靈亦任呼江郎

入門

南國人從北關來一肩行李請君猜雪花可愛
難收拾却得清風作伴回

其二

已將車馬換輕舟梓里溪山擬徧遊尋勝莫愁朋
輩少樵魚相值更為儔

其三

半畝家園猶是舊數株花卉却增新入門相慶平
安外更喜床書不污塵

宛舫居文集

卷之九

詩

五五

其四

致政歸來喜弄孫舊時松菊亦猶存從今歲月新
功課半閱閑書半灌園

夢朝

辛亥正月

來從天上到家山宮闕樓臺縹緲間問釣談
耕過白日清宵猶夢侍

天顏

冰蘖曾叨

聖至知明明隨列上丹墀醒來未悟三更夢還作
從容退食時

竹醉日

天酒今朝灑萬竿此君同入醉鄉歡陶然一任龍
鍾態不啻羣芳醒眼看

蘭

一陣香風卓絕清高齋燕尾發新英山旆澤世教
迴避祇有珍珠許掛名

示兒孫讀書箴

壬子

宛舫居文集

卷之九

詩

五六

戒紛馳

人心如水亦如燈燈欲光明水欲澄定靜而安方
能慮莫教昏濁得相乘

戒作輟

工夫無間始能精磨杵為針亦可成俄頃之間茅
復塞從新開徑費經營

戒早睡

夜窓無擾又無營靜對銀釭意境清玩味燭溫純
熟候中宵夢寐亦書聲

戒晏起

及時用力戒優游，平旦清明好講求。
鳴鳥亦催人早起，光陰安可問莊周。

老梅盛開

古幹斑斑點翠苔，先春芳朵滿春臺。
元來貌老心還少，愛逐韶光爛熳開。

冬至後十日齋中梅菊並開

檻外瓊葩次第開，黃花相映艷前臺。
寒園尊酒邀賓賞，春色秋容請一猜。

宛舫居文集

卷之九

詩

五七

其二

誰云兩美不相知，玉蕊金英共一時。
元亮浩然如有約，應須踏雪醉東籬。

九日喜送菊者

癸丑

愛菊常吟五柳詩，奈無閑地可東籬。
岩西園叟一肩送，恰值登高對酒時。

早夢侍

先嚴賞玩佳石

深碧玲瓏矯似龍，嚴親賞歎語從容。
正承指點嶽竒處，却恨梅峯僧寺鐘。

九月望齋中牡丹茶開

采采黃華露未乾一枝濃艷出朱闌客來不咏東
籬句却擬沉香賦牡丹

雨後梅留客

南枝未過北枝妍一洗殘英色倍鮮園主愛花還
愛客新晴恰是醉花天

徧地錦

當年偶得種還家傳布蘭洲贊麗華聞道人嗤余
宦拙請看滿地錦添花

宛舫居文集

卷之九

詩

五八

金絲蝴蝶

栩栩應從金谷來是花是蝶漫相猜堆黃最奪時
人目却怪莊生夢未回

月下香

想像花容小玉簪清芬初吐客微酣不應遽就遊
仙枕好對嫦娥掃石談

久旱草木皆塵臘杪夜雨洗濯一新

丙辰

夜來一雨洗花塵老榦嫩枝簇簇新悟到天心來
復際乾坤何處不生春

讀真山民傳

宋元之際一山民祖是西山不說真而字稱呼傳
百世無名却勝有名人

花下吟

辛酉臘月

生來恬淡薄奢華半畝依然處士家心境不教塵
事擾一杯香茗坐梅花

宛舫居文集

卷之九

詩

五九

事魁一林香茗坐梅花

土來計然藪管華半畝依然處士家心境不教塵

花下吟

辛酉臘月

百世無名却勝有名人

生來恬淡薄奢華半畝依然處士家心境不教塵

事擾一杯香茗坐梅花

宛舫居文集卷十目次

莆陽林源學川甫集

集唐

五言律

計八十四首

五言絕句

計二十二首

七言律

計二十六首

宛舫居文集

卷之十

目錄

七言絕句

計八十六首

計二十二首

五言絕句

計八十四首

五言雜

集唐

莆陽林源學川甫集

宛舫居文集卷十目次

宛舫居文集

集唐

五言律

早朝侍直和韻

至恩清曉趨

天丹禁絳雲覆紫微來簪

至御府筆催著早朝衣

鳳闕分班立天香滿袖歸鸛鸞方翹翹霄漢共

高飛

宛舫居文集

卷之十

集唐

又

鳳路入丹霄近鳴珂朝

至尊宮花將苑柳紫霧泛朝暎立處聞

天語行者拜

至恩侍臣當獻納歷歷事猶存

又

九重思曉奏數問夜如何

北闕祥雲滿西山爽氣多菲材叨侍從滄海識

恩波車馬朝初下鶯聲集玉珂

元日

建寅迴北斗天地一家春
九陌祥光合三元寶歷新
貴為金馬客同是宦遊人
今日明光裏和

風襲縉紳

和龔蕉麓道長春日退朝韻

從容朝早退春色正相宜
樹出蓬萊殿冰開

恩期報

主鳴玉幸同時每列鸞鸞序
長慚補袞詩

宛舫居文集

卷之十

集唐

二

中秋寓蔡梁邨宗伯園樓

此夜情應切惟君與我同
石梁高瀉月山谷遠含
風雲影嘶賓雁秋聲亂
草蟲塵襟一瀟洒千里望
難窮

燕邨得姚敬亭姻家詩寄此速之

萬木迎秋序長安近夕陽
沉吟黃絹語遙憶紫芝
香久待無消息前期託報章
鸞鸞方翾翾阿閣佇
來翔

寄壽廖司佩內弟

年華開早律綺樹滿朝陽鶯入新年語花飄度臘
香手持綠玉杖身是白眉良遙想高樓上流霞泛
羽觴

餞陳其相世兄歸楚

疇昔通家好文章動海隅兩情含眷戀見面且歡
娛雲雨連三峽烟波隔五湖高秋期再會鵬翅欲
搏扶

召伯湖

林開楊子驛千里望難窮歲月催行旅波瀾動遠

宛舫居文集

卷之十

集唐

三

空浮雲連海岱羸馬歇西東長路山河轉臨風懷
謝公

清湖酒樓

江樓明返照斗酒且留歡此關心長戀南行歲已
闌樹粘青靄合路入翠微寒回首長安道殊一思
欲報難

道中聽泉

向晚青山下如聞歌吹聲萬重雲水思一洗客心
清道路本無限潺湲若有情何當化霖雨歲稔又

時平

歸田賦

解印歸田里居然田舍翁風光人不覺秋色思無窮
縱酒真彭澤遊山憶謝公小園吾亦有留賞故人同

其二

解印歸田里清風繼舊踪美花多映竹閑地擬栽
松野碓春秔滑金樽臘醞濃登山與臨水吟興不
應慵

宛舫居文集

卷之十

集唐

四

其三

解印歸田里蕭疎鬢已斑為耽泉石趣自覺性情
閑竹屋清江上人煙綠嶼間踏花尋舊徑繚繞出
前山

其四

解印歸田里逍遙在縉紳憐山又憐水憂道不憂
貧薤草開三徑飛花滿四隣生涯更何許瀟灑出
罌塵

春郊

謝公山有壑春草滿南湖煙水人家遠陰晴衆壑
殊雲溪花淡淡幽院鳥鳴鳴垂釣坐盤石分明似
畫圖

村居

無窮林下意養拙就閒居竟日鶯相和迎秋柳半
疎斜支花石枕笑讀古人書過雨遠山出江雲自
卷舒

避暑

何以消煩暑層軒引早涼穿沙碧簞淨過雨荔支

宛舫居文集

卷之十

集唐

五

香巖樹蔭棋局繁花照羽觴塵襟一瀟洒江檻俯
鴛鴦

晚眺

江村秋雨過返照竹林西露重蟬鳴急雲深雁度
低老年惟自適愛客且相携幽賞未云徧登樓望
欲迷

前題

樹密當山迳暮禽相與還野煙迷極浦新月照澄
灣庾信園殊小陶潛身自閒此時堪佇望正在夕

陽間

倚闌

澹泊真吾事，清秋獨倚闌。
烟生極浦色，山遠晚晴看。
泉溜含風急，霜林映日丹。
郊居人事少，吟嘯自安閒。

擬遊智泉

遠水清風落，夏無炎暑侵。
聚花如沸雪，懸溜瀉鳴琴。
始悟達人意，誰知造化心。
石梁縈澗轉，結伴擬同尋。

宛舫居文集

卷之十

集唐

六

病起

力疾坐清曉，浩然天地秋。
貌將松共瘦，年與水爭流。
從此惟行樂，乘閒是勝遊。
景清神自爽，展畫看滄洲。

其二

九日黃花酒，此時方見秋。
兒扶猶策杖，月上更登樓。
試向林東望，翻疑夢裡遊。
茱萸正可採，風景似相留。

過西巖憶會文諸友

寺憶曾遊處文場藻翰擣青山
違舊隱白髮欲成絲
自著養生論長懷伐木詩
禪林深竹裏携手更何時

過姚敬亭漱芳居

遙夜獨不寐思君一笑言
烟深楊子宅竹暗辟疆園
淑氣催黃鳥留歡盡綠樽
自今幽興熟雅道喜重論

詠七月晦日

晚徑花留立逍遙湖上亭
露從今夜白雲散岸峰宛
舫居文集

卷之十

集唐

七

青乘興無羈束閒吟放性靈
不愁明月盡牕燭影猶停

九日

九日重陽節雲峯逐望新
登高聞故事良會惜清晨
玉醴浮金菊雕盤膾紫鱗
今朝落帽客醉態任天真

客至

故人來自遠相見且歡娛
村酒有時有閒雲無日
無命棋隈綠竹發詠寫水壺
咲語縱橫作烟光入

座隅

冬園春色

一徑入寒竹偏驚物候新
花開疑乍富臘近已含
春艷色寧相妬歡遊莫厭頻
風光先占得天意每
隨人

書懷二首

平生愛山水歸老任乾坤
白首書千卷高歌
酒一樽偏宜留野客時
弄小嬌孫身外能無
事長懷

宛舫居文集

卷之十

集唐

聖主恩

素懷宗淡薄瀟洒向乾坤
戲鳥隨蘭棹山花
落酒樽休明值
堯舜餘慶及兒孫
老得滄洲趣多慚
雨露恩

甲寅元日二首

今年春色早和氣滿人家
拜慶避闈處輝光里第
間映花相勸酒迎客笑
開顏智者役千慮誰能一
日閒

節物堪為樂和風扇早春
雲浮仙日出年共曉光

新山水清輝遠醞酬氣味真每因韶景歷更學
隨人

元日憶朝賀

北斗回新歲朝

天憶歡宸年年承雨露濟濟盛纓紳命偶風雲會

時清宴賞頻

聖皇千萬壽何處不同春

元夜

大炬燃如晝春樓置酒時老年惟自適清夜幸同

宛舫居文集

卷之十

集唐

九

嬉花月霽來好絲桐雅奏遲主人能愛客無處不

相宜

春景

春風觸處到景物恣芳新香草為君子紅蕉當美

人纔吟五字句共醉百花春山水丹青雜歡遊莫

獸頻

遊楓林寺

興來從所適數重入雲峯勝地初相引塵心洗幾

重烟霞裝美景山水多奇蹤四五百竿竹陽和色

更濃

霽遊

晴日登臨好閒行信馬蹄野舍時雨潤山出曉雲
低古樹老連石落花香滿泥何當更乘興待月過
前溪

梨花

青陽行已半春望陟春臺燕子家家入瑤花處處
開雪和新雨落香逐便風來應候非爭艷清光溢
酒杯

宛舫居文集

卷之十

集唐

十

遊碧瀨

郊野遊行孰幽竒得徧探江山古思遠蒼翠太虛
參泉脉通深澗煙容淨碧潭綠苔人迹少桃李正
酣酣

沿溪行

地僻無蹊路溪行綠篠邊山泉鳴石澗夏月似秋
天樹色含殘雨鳥聲隔暮烟徘徊不忍去心事好
幽偏

新雨

青山春滿目新雨洗韶光水淨苔莎色花添蘭麝
香澗聲連枕席詩興屬池塘節應清和候田家自
此忙

新柳

綠擺楊枝嫩鶯聲忽聽新章臺從掩映魏闕尚含
情習習和風至娟娟泛露輕影踈當夕照偏似不
勝春

新竹

嫩葉舒烟際凌虛體自輕早涼生戶牖斜月入窻

宛舫居文集

卷之十

集唐

十一

標冉冉偏凝粉蕭蕭別有聲但令無剪伐霄漢指
前程

新鶯

南國韶光早山鶯獨報春忽來枝上囀為聽曲中
新婉轉隨香騎低迷欲醉人寧知幽谷羽留客也
殷勤

新燕

燕來從及社楊柳正依依繡戶時雙入春風獨蚤
歸偶同佳客見會傍主人飛野鳥啼還歇無勞問

是非

新蝶

輝光變草木戲蝶亦爭新
寂寞書齋裏烟花曲水濱
謝公多晚望莊叟是前身
高閣浮香出時欲
近人

新霽

四郊初過雨池滿水無聲
愛景人方樂焚香曉更清
晴光來戲蝶芳樹引流鶯
更好將詩酒尋花幾處行

宛舫居文集

卷之十

集唐

十二

豐村祖祠重新舉行春祭

淑氣催黃鳥齊心薦綠蘋
無因酬大德重喜掃芳塵
世業傳圭組馨香越縉紳
永懷當此節長奉萬年春

暢山觀競渡

節物堪為樂千峰宿雨收
棹移灘鳥沒幔卷浪花浮
履鳥從相近芝蘭忝舊遊
鷁舟時往復斜照逐迴流

擬遊木蘭阻雨不果移尊漱芳居

望望隨蘭棹依依倚竹軒水烟籠翠渚渡口欲黃昏
舊友懷三益高歌醉一尊猶憐好風景芳意過湘沅

山居樂

結宇倚青壁幽居近物情暖醅松葉嫩煮茗石泉清
芳草多留步山花不辨名寥寥人境外此處勝蓬瀛

其二

山水能成僻塵心洗幾重一溪連竹路數里入雲

宛舫居文集

卷之十

集唐

十三

峰倚杖看孤石張琴和古松陶廬閒自愛誰可繼
高蹤

其三

恬淡無人見清谿碧嶂中水煙晴吐月山谷遠含
風酒嫩傾金液茶香透竹叢田家自有樂暫喜笑
言同

其四

結茅當此地幽逸少人知筍蕨猶堪採烟霞若有
期山鶯朝送酒松韻晚吟詩野坐分苔石樵夫樂

看棋

其五

秋光稍欲暮，濃淡樹榮枯。
徧覽古今籍，閒觀山海圖。
白雲橫楚濶，青靄入看無。
問我將何事，偷然與道俱。

其六

千巖泉洒落，松偃綠蘿低。
徐步移斑杖，尋山上石梯。
飛花隨蝶舞，烟樹任鴉栖。
與物皆無累，平生志不迷。

宛舫居文集

卷之十

集唐

十四

遊杜塘

始霽郊原綠，陂塘五月秋。
芙蓉洗清露，杜若媚汀洲。
好樹鳴幽鳥，長陂漾白鷗。
閑遊殊未遍，新月再如鉤。

閒居

芳室芝蘭茂，松齋日月長。
吟詩復飲酒，掃地與焚香。
遠媿餐霞子，時看辟穀方。
老年惟自適，何必憶滄浪。

久雨

混沌何由鑿江流合遠天山花迷徑路枕席生雲
烟隱豹深愁雨幽人好晝眠不知白日暮相憶綠
尊前

清風

山雨初含霽池風泛早涼鶯飛綺閣曙花發玉堂
香頓洒塵喧意應耽野趣長綠窓桃李下亦足傲
羲皇

荔枝

樹密當山迳無風坐亦涼奪霞紅錦爛落水紫苞
宛舫居文集

卷之十

集唐

十五

香采采還相贈年年日自長味同甘露洒何假况
瓊漿

白蓮

芳草比君子光華向日新幾回遊閬苑何處染鴛
塵瀟洒迎清賞輕盈伴玉人預愁花片落勸酒莫
辭頻

山丹

清露夏天曉欣々得向陽山晴紅蕊迎日動火珠
光艷色寧相妬餘歡方自長

此花開
最久

誰知茅屋裏朱

紫間熒煌

初開朱色
漸轉紅色

幽花歌滿徑

五彩爛相宣
羅綺留春色
雲霞入洞

天艷濃香露
裡微笑畫屏
前願與仙桃
比人情要

自偏

登涵江觀頂

芭蕉一片葉

諺云涵江
如蕉葉

烟火萬人家
綠竹半含籜
仙

桃正發花
海明山島見
溪轉水紋斜
清興未云盡

天雲漸作霞

宛舫居文集

卷之十

集唐

十六

郊居春夜

新篁繞解籜
疎葉漏連蟾
農務村村急
春寒夜夜

添野羨溪菜
滑海味蟹螯
鹹秉燭惟須
飲誰言突

不黔

和愧荆廖表弟山莊四景集句元韵

春景

東山行樂意
遲日看花頻
淋景韶光媚
芳林草樹

新此中無限
興何處不宜
春霄漢時回
首能閑有

幾人

其二

芳春開令序，新雨洗韶光。
鬱鬱園中柳，青青陌上桑。
峯巒低枕席，亭榭跨池塘。
盡日徘徊處，百花潭此莊。

夏景

亭景臨山水，閑宜雨後過。
谷深青靄蔽，峰入翠雲多。
竹葉一樽酒，鶯聲百轉歌。
暑天風撼撼，佳趣滿滄波。

其二

宛舫居文集

卷之十

集唐

十七

炎夏尋靈境，松風直似秋。
荷花嬌欲語，萱草解忘憂。
古木叢生靄，澄心想碧流。
登臨日將晚，歸路萬山稠。

秋景

早涼生浦溆，忽已歲時遷。
落日催行舫，臨風聽暮蟬。
幽人尋藥逕，雲雁下江烟。
忽見君詩句，開緘思浩然。

其二

不覺九秋至，花陰拂簾涼。
白沙留月色，曲渚麗珠光。

光枝上萸堪採
鱸頭酒正香
竹風醒晚醉
向席餘
低昂

冬景

北風吹雨雪先入
讀書堂高竹動
踈翠南枝獨早
芳悠悠天宇曠
颯颯鬢毛蒼
淡泊生真趣
偏聞酒甕香

其二

易過惟冬日依然
惜寸陰竹扉梅
圃靜野徑草茅
深自有林中趣
能齊物外心
岸明殘雪在
何處玉

宛舫居文集

卷之十

集唐

十八

山岑

壽同學盧爾侯

平生金石友
屬和舊盈編
才妙心仍遠
情高道自全
願因山作壽
應用酒為年
早晚徵宣室
無勞訪九仙

秋闈伊邇書勵諸免

即時賢路闢
何以騁雄豪
逸足思奔驥
垂綸欲釣鰲
著書聞太史
待詔比王褒
拜慶遑闈處
卽君玉

樹高

其二

天上秋期近青雲逐步生
俱懷鴻鵠志時聽鳳凰
聲染翰窮高致遭時取
盛名欣欣聯棣萼霄漢
指前程

自題行樂圖

先人留素業竹島尚榮紆
新發烟霞咏閒觀山海
圖移時停筆硯聊復捋
髭鬚心事何人識輕冰
瑩玉壺

宛舫居文集

卷之十

集唐

十九

從此惟行樂高陽一酒徒
有時尋道侶隔水問
樵夫草色迷三徑澄波
似五湖故人得佳句為
我寫成圖

丙辰臘月暢山觀梅

何處生春早凝光滿薜蘿
梅花今正發芳草自應
多笑語縱橫作村園次
第過留觀方繼燭不藉
魯陽戈

丁丑初春集漱芳居

門臨溪一帶芳意過湘沅
坐有湖山趣而無車馬

喧折花兼踏月對奕復傾樽更愛幽奇處烟嵐出
遠村

宛舫居文集

卷之十

集唐

二

畫林

題詩於無韻且機奕奕而對更愛幽奇處烟嵐出

吳五言絕句

春興四首

和魏經其道
長限新春韻

旭日開晴色青歸柳葉新
欲尋芳草去不惜買陽

春
天桃花正發林鳥聽猶新
不向東山久登樓萬里

春
愛景人方樂龍門客又新
一杯彈一曲池草暗生

春
白髮催年老偏驚物候新
壯心不肯已况復柳條

卷之十

集唐

三

春

秋興四首

和魏經其道
長限遊秋韻

秋
洲白蘆花吐王孫幾度遊
鄉心正無限牕竹夜鳴

秋
交合丹青地薄遊成久遊
傳書兩行雁聲斷為魚

秋
近郭西溪好登臨想舊遊
天清白露下客意已驚

秋
是節東籬好還須結伴遊
滄溟千萬里歸夢不宜

秋

遂初吟

金盞五湖三畝宅歸老任乾坤取適琴將酒猶懷
明主恩

其二 入齋齋齋

輕蝶翻羅幙飛花滿四鄰柴門鳥雀噪萬里一歸
人

其三

歸去橫塘晚江魚美可求野情隨到處無事五湖

宛舫居文集

卷之十

集唐

二五

遊

其四

久客宜旋旆還家白髮新依然五柳在花鳥弄歸
人
戲和友人香奩體

聞鶯

金屋夢初覺春芳着處迷嬌鶯弄新響故向綠牕
啼

弄花

墜珥時流盼弄花香滿衣花將人共笑應到月明歸

晚粧

寶鏡窺粧影桃花帶雨濃雙眉燈下掃何必在臨

印

珮聲

春
雜珮含風響流香暗襲人雙眉剪秋水偏似不勝

閒步

宛舫居文集

卷之十

集唐

三

摘蓮紅袖濕香步獨徘徊笑向卿卿道啣花翡翠來

拈花

綉戶香風暖拈花盡意憐春情多艷逸難用尺書傳

理琴

纖指傳新意琴添譜外聲一杯彈一曲應識此時情

清歌

新月來前館春風入綺羅管絃遙辨曲不羨綠珠歌

花前

新作蛾眉樣分明似畫圖深情不肯道隨意數花鬚

月下

春黛雙蛾嫩臨風扇影飄晚粧留拜月何處聽吹簫

宛舫居文集

卷之十

集唐

二十四

簫

春黛雙蛾嫩臨風扇影飄晚粧留拜月何處聽吹

簫

簫

春黛雙蛾嫩臨風扇影飄晚粧留拜月何處聽吹

簫

簫

春黛雙蛾嫩臨風扇影飄晚粧留拜月何處聽吹

七言律

早朝恭候 考選

天迴北斗掛城西樹映闌干柳拂堤日色纔臨仙
掌動露珠猶綴野花迷青龍天矯盤雙闕秘殿崔
嵬拂彩霓聞道水曹偏得意明時霄漢有丹梯

圓明園侍直暮歸

蓬萊宮殿雁鰲頭

金闕平明宿霧收雨洗亭臯千畝綠鎖開閭闔萬
壑秋風雲變化饒年少景氣澄明是勝遊

宛舫居文集

卷之十

集唐

二五

禁裏踈鐘官舍晚村橋酒旆月明樓

賜宴

玉樹瑤台上苑風萬條銀燭碧紗籠瑤臺舍

霧星辰滿

紫禁朝

天拜舞同共沐

恩波鳳池上親嘗

賜食玉盤中麋歌太液翻黃鵠淡蕩春光徧曉空

欽命兼掌臺垣

都門霽後不飛塵十二樓前侍近臣萬木長
承新雨露一朝宣入掌絲綸晨搖玉佩趨

金殿寵拜

天書慶郡人好向

明廷拾遺事此身何幸受

恩頻

陳石民年允解印欲歸忽傳引

見以秋曹用

宛舫居文集

卷之十

集唐

二六

九天鸞鷲待成羣不浣經時卧白雲南省郎
官名藉了華堂賀客日紛紛陳琳草奏才還
在荀令香鑪可待薰自此曾沾宣室

召願將楨榦奉

明君

送黃道山侍御歸岳陽

長安雪後見歸鴻華蓋飄了綠鬢翁學究天人知
遠識名題章奏亦從公石渠甘對圖書老健思潛
搜海嶽空千里好山青入楚故人樽酒與誰同

春日諸臺垣舊同僚招李家園讌集

器度風標各出塵文章心事每相親烟關水國花期近樹入天台石路新麗事肯教饒沈謝世情誰是舊雷陳半簾綠透偎寒竹酒滿壺中天地春

其二

宦途雖別舊情親山色初明水色新兩岸鶯花春富貴十年京洛共風塵緩歌漫舞凝絲竹曲沼深塘躍錦鱗侍丹墀官異寵莫將文酒負良辰

答愧荆廖表弟寄贈集句並和元韵

宛舫居文集

卷之十

集唐

二十七

雁來魚去是因緣書意詩情不偶然綵筆昔曾旱氣象蕊宮惟合贈神仙春臨柳谷鶯先覺星降人間夢已傳我自好閒求老伴風高還憶北牕眠

時余方致

政東裝欲行

歸裝

參差烟樹五湖東千里南雲度塞鴻行色一鞭催去馬松聲半榻臥秋風應將筆硯隨詩主已許滄浪作釣翁遙想到時思魏闕幾回奏事建章宮

早起

鶴出金籠燕雀驚五湖煙月掛高情星沈海底營
窻見露洗松陰滿院清萬里山川今晚夢千家砧
杵起秋聲丈人本自忘機事歸去東南任意行

喜晴

金鞍不御紫騏驎雨過闕城見月新南極一星朝
北斗東家流水入西鄰霞光曙後殷如火晴色空
濛遠似塵天地肅清堪四望幾重山翠欲留人

觀放鶴

不惜竒毛恣遠遊龍驤鳳翥勢難收閑窺碧落懷

宛舫居文集

卷之十

集唐

二十

烟霧莫向仙家擬駐留雲樹杳冥通上界風神灑
落占高秋新聲乍警初零露壺裏乾坤只自由

咏桃花

春鋪錦繡滿汀洲輕薄桃花逐水流黃鶴樓中吹
玉笛武陵溪口住扁舟從今結子三千歲共上仙
家十二樓欲綻似含雙靨笑免教無事積閒愁

村居

兩鬢垂絲髮半霜退休便是養生方松排山下千
重翠日向壺中特地長春水滿池新雨霽好風吹

樹杏花香膩泥封露曾回首百轉流鶯遠建章

其二

東風吹雨過青山雲木蒼々但閉關自有卷書消
永日時登高閣望人寰花浮酒影彤霞爛水繞魚
磯綠玉灣更憶雙峰寂高頂竹岡藤刺小躋攀

村齋玉蘭與各種桃花同時盛開

溝水分流西復東當溪亂蝶許多叢一枝拂地成
瑤圃五色如絲下碧空取醉不辭留夜月無聊獨
自舞春風山花萬朵迎征蓋今日思量已夢中

宛舫居文集

卷之十

集唐

二十九

答同學方稚左贈詩

暖風初暢欲調鶯忽得來書喜且驚錦水繁花添
麗藻搜天幹地覓詩情人言格調勝玄度試向文
園問長姍別後幾回思會面投壺散帙有餘清

喜晴和韻

雨晴天半碧光流一軸烟花象外收盡日捲簾青
草合近年尋伴赤松遊鐵心自擬山中賦遠意閑
登城上樓更愛夜來風月好携觴共下木蘭舟

村莊避暑

偶隨鷗鷺便成家白葛衣輕稱帽紗藜杖移時挑
細藥松花滿椀試新茶簷橫碧嶂秋光近林映娥
眉片月斜灑了隨波千萬里棹聲烟裏獨嘔啞
江上雲亭霽景鮮菊花村晚雁來天霜濃滿迳無
紅葉泉長侵階浸綠錢前岸好山搖細浪野莊喬
木帶新烟些些風景閑猶在醉引笙歌上釣船

其二

麋鹿心知自有羣清風滿座絕塵氛樓中飲興因

宛舫居文集

卷之十

集唐

三十

明月海上青山隔暮雲萬卷圖書千戶貴一渠流
水數家今居然自是幽人事入夜鐘聲竹外聞

咏白菊

佳晨何處泛花遊老圃寒香別有秋一種呈妍今
得地幾家深樹碧藏樓雪霜迷素猶嫌早羅綺雖
貧不外求陶令接籬堪岸着也須圖畫取風流
池蓮已過籬菊未開得紅白鳳仙雞冠數種

秋園賴以不寂

金風漸利露珠團濃艷初開小苑欄人事轉新花

爛熳經時猶自未凋殘蝶啣紅蕊蜂啣粉鳳有文
章雉有冠賴爾林塘添景趣山花莫遣俗人看

訪隱者

高齋日夜有佳期數疊山光在夢思萬卷圖書千
戶貴一壺濁酒百家詩浮雲心事誰能識明月襟
懷祇自知竄愛葛洪尋藥處夕陽無限鳥飛遲

壽同學葉清園

童稚情親四十年卷中文字掩前賢已聞南國思
君子曾在蓬萊伴衆仙萬樹琪花千圃藥赤城霞
宛舫居文集

卷之十

集唐

三十一

氣蒼梧烟自從雪裡唱新曲又逐春風上舞筵

壽同學葉清園

新綠自吟澗草萋萋長繁雲又別無那鳥飛輕
竹貴一壺濁酒百家詩浮雲心事誰能識明月襟
懷祇自知竄愛葛洪尋藥處夕陽無限鳥飛遲

壽同學葉清園

童稚情親四十年卷中文字掩前賢已聞南國思
君子曾在蓬萊伴衆仙萬樹琪花千圃藥赤城霞
宛舫居文集

氣蒼梧烟自從雪裡唱新曲又逐春風上舞筵

七言絕句

新侍直二首

簾鈎鸚鵡夜驚霜
金井梧桐秋葉黃
初得花
天駝大宛種
衣冠身惹

御爐香

蘭牕繡柱玉盤龍
蓬島烟霞閭苑鐘
袞職曾
無一字補偏承
霄漢渥恩濃

阿隆姚敬亭姻家訂新春入京未至聞其得孫賀

賈生才調更無倫

宛舫居文集

卷之十

集唐

三

賈生才調更無倫
祇是相思秋復春
誰謂此中難
可到掌中貪
看一珠新

圓明園侍直

河堤弱柳鬱金枝
珠箔輕明拂玉墀
曙色漸

分雙闕下

天顏有喜近臣知

玉田河堤告成

藍田日暖玉生烟
沙上鳧鷖傍母眠
野老不知堯

舜力垂楊下繫釣魚船

芙蓉掖垣口占
楊柳風來水殿涼
清時無事奏明光
侍臣緩步歸
青瑣數片紅霞映夕陽

侍直蒙 賜克食

詰旦九門傳奏章
五更三點入鵷行
千條弱柳垂
青瑣半拂瓊筵蘇合香

諸同人集李思亭年兄齋頭擬遊護國寺
因雨不果

桃花歷亂李花香
密雨斜侵薜荔牆
何用別尋方

宛舫居文集

卷之十

集唐

三

外去酒徒詞客滿高堂

秋日過曲泉別業

露光初重槿花稀
極浦遙山合翠微
十畝稻香新
綠野江涵秋雁影初飛

懷諸姪

此來秋興復何如
好得辛勤謾讀書
願我老非題
柱客宦途事了且懸車

晉秩光祿

芙蓉闕下會千官
內府殷紅瑪瑙盤
光祿池臺開

錦繡紫宸朝罷綴鷓鴣

學政堂試士

幾樹梧桐憶鳳凰
人間聲價是文章
閑尋綺思千
花麗滿手瓊瑤更有光

客歲得菊花數種皆非習見石民深賞之因
養其苗以贈

為覓霜根數寸栽
贈君珍重抵瓊瑰
今年花似去年好
一日須傾三百杯

賓至適聞東隣彈琴傾耳不能去

宛舫居文集

卷之十

集唐

三四

風送飛花入四隣
琴中綠水靜留賓
一樽酒盡青山暮
相送柴門月色新

愧荆假旋抵家即寄贈句和韻以答

山色初明水色新
十年京洛共風塵
欲知別後相思意
詩句能生世界春

其二

文章心事每相親
節概尤誇似古人
中禁詞臣尋引領
知君不負士帝城春

寫懷

麥隴青青三月時風迴巖岫雨中移細推物理須
行樂萬里南雲繫所思

卷舒開合任天真遙想風流第一人菊圃香隨鷓
鴒泛性閒時拂玉琴塵

芸香三代繼清風未就丹砂愧葛洪長憶舊山青
壁裏結茅依約畫屏中

白髮

宛舫居文集

卷之十

集唐

三五

白髮如絲日日新近來方解惜青春家山泉石尋
常憶只恐鶯花也怪人

共香感秋

一從朱履步金臺高閣經年掩綠苔已被秋風教
憶膾竹枝歌送菊花杯

一別心知兩地秋迴看天際下中流相思相見知
何日迢遞高城百尺樓

金山寺

蒼島孤生白浪中更無塵土翳虛空雲扶湧塔青
霄庫金鐸一聲松杪風

客舟

露下天高秋水清忽聞岸上踏歌聲三星自轉三
山遠萬里歸心對月明

其二

林色葱蘢玉露秋欲迴天地入扁舟謝安不倦登
臨興為憶蘭塘秉燭遊

武彞

宛舫居文集

卷之十

集唐

三十六

三十六峯危似冠登高始覺太虛寬勞生願學長
生術仙洞靈溪訪九丹

其二

九穿巖曲過招提鳥響林深水滿溪山翠萬重當
檻出等閒身與白雲齊

其三

溪花不隱亂泉聲茗折香芽泛玉英雲斷石峰高
並筍無勞萬里訪蓬瀛

抵家

竹牕依舊老身閒未報深恩鬢已斑朝謁久停收
劍佩夜清應夢近天顏

登宛舫樓

樓無一面不當山密竹繁花掩映間樂退安貧知
是分可能時事更相關

舟遊

樓上春雲水底天汀洲無浪復無烟江山到處堪乘
興稽阮相將掉酒船

郊行

宛舫居文集

卷之十

集唐

三七

登山臨水復何如况值春光三月初無賴杏花多
意緒飛來飛去襲人裾

四時行樂吟

春

綠樹重陰蓋四隣柴門草舍絕風塵忽看童子掃
花叢島外湖山一簇春

其二

翠幕紗牕鶯亂啼門前五柳幾枝低江城春日迎
遊處細草新花踏作泥

夏

懶性從來水竹居
淡紅池沼映芙蕖
物情相稱心寄浮雲任卷舒

其二

新竹翛翛韻晚風
清涼嘗願與人同
眠牕日暖添幽夢
何必青樓倚翠空

秋

一夜秋聲入井梧
弱雲狼藉不禁風
捲簾陰薄漏山色
半局閒棋萬慮空

宛舫居文集

卷之十

集唐

三十八

其二

極浦蒼蒼遠樹微
薰葭霜冷雁初飛
黃花催促重陽酒
每日江頭盡醉歸

冬

雲鎖峯頭玉葉寒
中天月色好誰看
不隨殘雪埋芳草
松拂疎牕竹映闌

其二

牕外山寒酒滿杯
吹葭六琯動飛灰
一時衰颯無多恨
料得南枝有早梅

問釣

石磯西畔問漁船，只在蘆花淺水邊。
擬共釣竿長往復，萬家烟樹滿晴川。

竹杖

杜陵遊客恨未遲，好得仁人贈一枝。
多節本懷端直性，水亭山閣自携持。

咏秋露

萬有俱空眼界清，仙人掌上雨初晴。
江天夜靜知消息，低着烟花漠漠輕。

宛舫居文集

卷之十

集唐

三九

竹

月軒脩竹轉涼陰，不遣高枝宿衆禽。
翠色本宜霜後見，此君心似古人心。

直封松

青松手植變龍文，霄漢鸞鴻久絕羣。
更憶葛洪丹井畔，女蘿相附欲凌雲。

封梅

榮枯安敢問乾坤，靜愛寒香撲酒尊。
臨水一枝春占早，應須騎馬到前村。

其二
一生心事任春光
雪欲侵凌更助香
幾樹金
谷曉詩家何物可相方

柳

帶露含烟處
垂流鶯百囀
最高枝五株斜
傷淵
明宅粧點青春更有誰

桂

抱節青陰蓋
綠苔入門襟
袖遠塵埃香多
覺受風
光剩疑是姮娥月裏栽

宛舫居文集

卷之十

集唐

四

牡丹

一片異香天上來
倚風含笑向樓臺
若教解語應
傾國莫怪頻頻勸酒杯

海棠

含情含笑一枝枝
自恨尋芳到已遲
誰與佳名漫
海曲妖嬈全在欲開時

桃花

樹影霞光重
疊深祇應紅杏是知音
數枝艷拂文
君酒無恨新詩月下吟

杏林
杏林
杏林
杏花

何曾得見此風流不合花前不醉遊却憶短亭四
首處最含情是出牆頭

荔支

青山重疊樹蒼蒼朱彈星九燦日光嚼破紅香應
換骨水晶宮殿浥瓊漿

山丹

萬蕊爭開照檻光森森移得自山莊花心露洗猩
猩血日暖惟憂化赤霜

宛舫居文集

卷之十

集唐

四一

洋茶

紅英翠萼簇芳筵風土記中殊未傳更有一般君
不識芙蓉出水妬花

鈿芙蓉茶有
紅白二種

茉莉

幾枝正發東牕前盡逐香風上舞筵露氣暗連青
桂苑蒞宮惟合贈神仙

探春

沙草初偷雪後春碧紗窓外一枝新為言肯共留
連飲金谷先憑作主人

春風花霧共茫茫春思於今未易量
濃艷盡憐勝綵繪露花凝後更多香

金銀花

前後叢生夾小堂
煖烟輕靄撲人香
不貪夜識金銀氣
蓬華初驚滿室光

蘭

簇簇新英滴露光
風莖時動有奇香
三春蓬島花無限
敢拂朱闌競短長

宛舫居文集

卷之十

集唐

四十二

寶珠

野園烟裏自幽尋
爛熳開紅次第深
火齊滿枝燒夜月
閉門長勝得千金

薔薇

暖烟輕逐曉風吹
傷水芳林錦萬枝
隔院聞香誰不識
可憐蜂蝶却先知

玫瑰

花逐輕風次第開
嘉名誰贈作玫瑰
傳情每向馨香得
却引東山舊客來

鳳仙

當蹊亂蝶許多叢數本芳菲色不同日映鳳凰新
出穴十洲三島逐仙翁

美人蕉

晚搖嬌影媚清風春為催花旋旋紅舒卷綠苞臨
小檻赤心長謝碧紗籠

夾竹桃

鳴鳩乳燕青春深灼灼偏宜間竹陰上國休誇紅
杏艷美人相贈比雙金

宛舫居文集

卷之十

集唐

四三

剪春羅

莫惜芳時醉酒杯綺羅留作野花開南塘漸暖蒲
堪結又占三春風景來

芍藥

結綺樓前芍藥開露沾如洗絕塵埃天涯春色催
遲暮紅白低枝入酒盃

白芍藥

春殘獨徇殿羣芳淡薄如矜西子妝好倚翠樓裝
月色含風輝訝雪生香

珍珠蘭

朱樓落日捲簾看
月射珠光貝闕寒
湘浦烟波無舊迹
今香多是畹中蘭

蓮

水宿風披菡萏香
下棋曾覺睡鴛鴦
花房露透紅珠落
逸韻偏宜夏景長

五月菊

長夏江村事事幽
野花何處最淹留
詩情逸似陶彭澤
水檻涼風不待秋

宛舫居文集

卷之十

集唐

四四

藍繡球

南樓簾幙逗薰風
天遣花神別致功
翡翠滿身衣有異
輕輕化出綠蕪叢

金絲蝴蝶

九陌烟花一樣飛
宋臺梁館尚依稀
樹頭蜂抱花鬚落
莫信莊周說是非

徧地錦

落落青苔錦數重
酒家踈雨夢臨邛
夕陽似照陶家菊
不競春妖野態濃

金鳳

天際何人濯錦歸
露華千朶照遲闈
到門不敢題
允鳥無限鴛鴦妬
不飛

午時梅

九陌遲遲麗景斜
江城五月落梅花
高軒日午爭
濃艷且盡芳尊戀
物華

西施紅

蝶影蜂聲爛熳時
強隨綠柳展愁眉
謾圖西子為
粧，終日凌波步不移

宛舫居文集

卷之十

集唐

四五

玉簪

何處橫釵壓小枝
異香常待好風吹
看來應是雲
中墜影伴嬌嬈舞袖垂

秋海棠

丹檻低看晚景中
動時枝弱易為風
薰葭浙瀝含
秋雨佐靜添幽別有功

月下香

隔牕依砌尚蒙籠
斜壓危欄艸色中
取醉不辭留
夜月暮香深惹玉堂風

雁來紅

興逸江天綺散霞出闌呈艷自應誇不須更作秋
聲賦濃染紅桃二月花

春燕

千枝楊柳拂烟開簾捲春風燕復來借問主人能
住久故情新意兩徘徊

新雁

霜寒秋郊樹影疎曉風山郭雁來初故人猶在三

江

脚得雲中尺素書

石文集

卷之

集唐

四六

白鷺

門前野水灘襪鷺見說身輕鶴不如羽翼光明欺
積雪暮江春樹綠陰初



